

Rammasamningur Samtaka náttúrustofa og Veiðimálastofnunar varðandi samstarf um rannsóknir í náttúru- og umhverfisfræðum.

Samtök náttúrustofa (SNS) annars vegar og Veiðimálastofnun hins vegar gera með sér eftirfarandi rammasamning um eflingu samstarfs:

Markmið

Markmið samningsins er að efla samstarf og faglegt samráð ofangreindra aðila um rannsóknir í náttúru- og umhverfisfræðum. Þannig eflist starfsemi stofnananna m.a. með samvinnu starfsfólks og samnýtingu á aðstöðu. Með þessu móti er mætt mikilli og vaxandi þörf í landinu fyrir rannsóknir á þessu sviði, ekki síst á landsbyggðinni. Lögð verði áhersla á að samstarfið leiði til þekkingar í hæsta gæðaflokki sem standist í einu og öllu alþjóðlegan samanburð.

Forsendur

Samtök náttúrustofa á Íslandi hafa innan sinna vébanda; Náttúrustofu Austurlands, Náttúrustofu Norðausturlands, Náttúrustofu Norðurlands vestra, Náttúrustofu Vestfjarða, Náttúrustofu Vesturlands, Náttúrustofu Reykjaness og Náttúrustofu Suðurlands. Náttúrustofurnar starfa á vegum sveitarfélaga en samningur var gerður milli umhverfisráðherra og þeirra sveitarfélaga sem standa að rekstri þeirra. Hlutverk þeirra samkvæmt lögum er: m.a. að safna gögnum, varðveita heimildir um náttúrufar og stunda vísindalegar náttúru-rannsóknir einkum í þeim landshlutum sem stofurnar starfa, veita fræðslu og ráðgjöf um umhverfismál og náttúrufræði.

Veiðimálastofnun er rannsókn- og þjónustustofnun. Hlutverk Veiðimálastofnunar er að rannsaka lífríki í ám og vötnum, rannsaka fiskistofna í ferskvatni, veita ráðgjöf um veiðinýtingu og um lífríki og umhverfi áa og vatna t.d. í tengslum við mannvirkjagerð.

Rannsóknir

Samtök náttúrustofa og Veiðimálastofnun munu standa að nánú samstarfi um rannsóknir. Þessar rannsóknir spanna grunn- og hagnýtar rannsóknir í náttúru- og umhverfisfræðum. Samvinna verður við stofnanir og fyrirtæki héraðs og erlendis. Stofnanirnar munu leitast við að sækja sameiginlega um rannsóknastyrki í samkeppnissjóði, og mynda með öðrum innlendum og erlendum stofnunum sterk rannsóknarteymi.

Aðstaða

Stofnanirnar munu samnýta aðstöðu og tækjabúnað til rannsókna eins og unnt er. Miðað skal við að öll uppbygging á aðstöðu og tækjabúnaði á Náttúrustofum og Veiðimálastofnun geti nýst báðum aðilum og skal leitast við að sækja sameiginlega um fjármuni til uppbyggingar aðstöðunar.

Verkefni og fjármögnun

Samstarf um rannsóknir mun aðallega snúast um skilgreind verkefni. Stofnanirnar munu leita sameiginlegra rannsóknarstyrkja, hérlendis og erlendis, auk annarrar fjármögnunar, t.d. frá fyrirtækjum eða stjórnvöldum. Um hvert verkefni, framvindu þess og kostnaðarskiptingu skal gera sérstakt minnisblað.

Stjórnun og miðlun

Skipulag, fjárhagslegur rekstur og framvinda samnings þessa skal vera samþykkt af stjórn SNS, forstöðumönnum náttúrustofanna og forstjóra Veiðimálastofnunar. Gerð skal grein fyrir samstarfinu í opinberu kynningarefni og ársskýrslum ofangreindra stofnana. Aðilar sameinast um kynningu á þeim möguleikum til menntunar og rannsókna sem samstarfið felur í sér sem og á öllum rannsóknaniðurstöðum.


Bolungarvík, 21. nóvember 2007

F. h. Samtaka náttúrustofa



Þorkell Lindberg Þórarinnsson
formaður

F. h. Veiðimálastofnunar



Sigurður Guðjónsson
Forstjóri